

春  
草  
堂  
集

春草堂集卷五目錄

七言律詩

四月六日抵武昌郡

甞川閣

次嘉魚縣作

岳陽樓

登衡山絕頂

題栖霞寺壁

八月十五夜次昭平作

九月一日之潯州登潯江樓呈孫少蘭太守  
舟泊惠州偕湘姬換櫂西湖覽六如亭諸勝  
至潮州呈楊桂山觀察

己丑元旦寄丹穀

奉和倪竹泉觀察留別鷺門四律原字

四月十四日杭州陪當事諸公遊西湖作

秋懷六首

寄黃秋谷

用前韻再寄秋谷

三用前韻覆秋谷

九日四用前韻呈秋谷

聞歌

秋風

與毛秋伯書

庚寅秋又將北上書以誌別

秦淮伎見寄小像素題卽用原字

自書詞集後

病起偶成

辛卯正月十五日湘姬舉一子命名湘生

張芟塘明經以石蘿山房詩集見惠並贈七律

四首依韻奉和

奉和冶山上公秋柳原字

贈別

湖舫卽事

八月十五日旅次淮陰蘭姬舉一子命名蘭生

九日舟次南陽道中作

贈正定沈西雍太守

丁酉四月二十七日蘭姬復舉一子命名春生  
詩以紀之

旅次開封會當事諸公

漳德道中

次太原作

呈冶山上公伯澥儲公

贈張芸心隱居

如臯水繪園題壁

四月二日貴姬來歸作古豔詞十首兼示湘蘭

二妾

閏九月九日同徐生蒼作

十三日再用前韻呈生蒼石甫兼東山左諸子  
范廉泉明府以鄭所南竹石錢舜舉職貢蔡女  
蘿花鳥諸冊見視三用前韻

黃楚橋歸自袁浦並道其山陽親友見問四用  
前韻

女道士三藥來訪五用前韻

蘭姬三十壽

癸巳冬至舟中作

呈李春畹王容參兩觀察

癸巳除夕告存

宮詞三十首用全韻呈伯澥儲公

夢保鳳池先生作

冬日偶成

乙未九月移家至曲阜作

覆阮魯卿書

傷心四首



春草堂集卷五目錄

四

留贈父積堂

偶述

咏萍

春草堂集卷之五

甘泉 謝塋 佩禾

七言律

四月六日抵武昌郡

帆檣千百水爲家，夾岸江城雉堞斜。  
山抱鳳凰書一紙，洲傳鸚鵡鼓三挝。  
折殘血淚虞妃竹，踏遍春心蜀帝花。  
獨臥僧房驚屢起，縣縣鄉夢破悲笳。

姓川閣

歷歷漢陽千百樹，至今猶得傍姓川。  
衝繁吳楚惟斯地，

絡繹帆檣何處船  
鄂渚夢回身是客  
巫陽春盡水連天  
翻憐宋玉多才  
漢祇許高唐一賦傳

次嘉魚縣作

竟夕鼃聲吠未休  
滿天風雨入扁舟  
九州踏遍羞彈鋏  
五月寒深坐擁裘  
白白江魚供晚飯  
啾啾山鬼誦離憂  
何時得遇張公子  
天上人間話此遊

岳陽樓

萬里江流到此無  
凭欄不使旅懷孤  
赤沙河畔餘楊柳  
青草湖邊多鷓鴣  
桂醕椒漿雖有寄  
氣蒸波撼信非誣

三分割據君休問祥瑞碑猶紀赤烏

登衡山絕頂

六月風高屐齒稀祝融峰頂冷侵衣樹從兵後難成蔭  
雁到峰前便不飛巫峽啼猿愁暮雨湘江孤櫂趁斜暉  
山僧莫問行藏事請奏罇前白玉徽

題栖霞寺壁

江南亦有栖霞寺四十年來未一登今日秋風桂林郡  
卻教身到最高層滿天香雨衣初振是處峰巒骨有稜  
回憶鄉園萬餘里獨扶筇杖更誰能

洞穴迢迢秉燭遊山僧簇擁語深幽乳縣峭壁奇難畫  
瀑戀寒潭闇不流託足偶然逢捷徑置身敢望出人頭  
月牙巖畔松關外日破浮雲雨未收

八月十五夜次昭平作

中天多謝一輪月伴我船經十八灘獨客無眠思往事  
去年今日在長安雲鬢玉臂憑誰問瘴雨蠻煙祇自看  
聞道前途多勝境安排罇酒坐宵闌

飄然一櫂下牂牁八月天南暑尚多此地姻緣惟跳月  
當年征戰重橫戈樓船下瀨楊無敵銅柱分疆馬伏波

今夕明河勞悵望鬱林山勢最嵯峨

九月一日之潯州登潯江樓一律呈孫少蘭太

守世昌

潯江樓倚赤欄干東望鄉園路渺漫樹繞羅叢橫落照  
灘喧銅鼓下飛湍江魚白白市中見野菊斑斑客裏看  
此地茱萸無覓處斷猿聲續涕洟瀾

舟泊惠州偕湘姬換權西湖覽六如亭諸勝

鷺城舊著西湖勝萬樹梅花擁夕氛云是坡仙親手植  
爲伊待妾伴孤墳闔排鶴嶺三千笏屏列羅浮四百君

我亦有姬差解事六如亭畔琴朝雲

至潮州呈楊桂山觀察

振麟

春風噓遍澥南天德政豐碑萬口傳昨歲新恩辭五

馬

公以本州太守陞今任

傳家舊德重三鱣掃門願擁曹參簪入

幕爭攀庾杲蓮鸞掖文章聲價在休論王後與盧前

知公說項是家風使我瞻韓願已重自愧無才能繡虎  
偏教有志欲登龍鱣谿魚避陳堯佐鳳嶺民歌張建封  
同望關西山萬疊最高峯是玉蓮峯

己丑元旦寄丹穀

時同客潮州

通宵無睡樂無邊  
樂興潮陽不偶然  
萬點雨聲符舊識

十分春色入新年

是日立春

隣翁野老供菰草  
稚僕雛姬鬪

管絃

盛世清遊須共醉  
莫教虛趁酒如船

奉和倪竹泉觀察

琇

留別鷺門四律原字

鷺門惆悵想襟期  
萬里河山賦載馳  
人望早推兒御史

聖恩先及鄭當時  
應憐白叟黃童意  
祇許青天碧澗

知我亦部民  
公憶否江淮曾樹去思碑

公嘗巡漕江淮云

足繭何辭路渺漫  
爲公待士禮偏寬  
交如北澗門盈刺

交似東坡筆有瀾  
草木但隨春造化  
江山能助客悲歡



九州已盡輪蹄鐵皂帽終輸管幼安

俗寇誰傳畫稿新旌旗重駐大河濱烏衣子弟皆王謝

廈門卽古烏衣國

絳帳生徒本搢紳

圖中詩人多半出公門下

倉廩備時垂

遠澤鯨鯢戮後靖長津如斯政績誰堪擬前代官惟李

俊民

領珠已得尚探驪怪底文章光陸離一品待編丞相集  
早朝爭和舍人詩柳邊曙色春猶淺檻外山光影未移  
安得上林千萬樹因風吹上最高枝

四月十四日杭州陪當事諸公遊西湖作

紛紛旌旆臨郊甸再拜還欣少倩扶竟日水邊隨短櫓  
移時花裏出行廚傳來白傳新詩本語到黃公舊酒壺  
安得江淮新漉漫化爲霖雨入姑蘇

秋懷六首

追思舊  
遊之作

燒遍千山紅杜鵑武昌樓閣祀神仙波濤影裏饒丹桂  
石火光中擁白蓮劉宋高臺曾繫馬苻秦末路悞投鞭  
沿江近日南風盛惆悵荆襄上水船

湖北

回首潭州更岳州君山湖水兩悠悠馬殷事業歸何處  
賈誼文章祇自愁草木變遷還把醖鄉關迢遞怕登樓

昨來同雁峰前立幾度憑軒涕泗流

湖南

山到桂林奇不去插天橫  
畫圖開絕無虎跡孤村裏  
時有猿聲天際來一臥瀟湘空  
伏枕百年身世且銜杯  
秋風團扇恩雖薄大壑龍蛇也自哀

廣西

一串歌合合浦珠五羊城郭舊西湖富饒再熟田非脊  
映入三冬草不枯臺繫趙佗朝走馬宮飛劉龔夜啼烏  
織璫寄問張公子緋賜枕椰事有無

廣東

風馬雲車村復村洛陽橋驗舊潮痕周天花雨迷香國  
聞歲音書滯故園事到奈何同趙嘏樹猶如此況桓溫

驚心十八灘頭月冷過前宵五虎門

福建

棟花風裏蓼花紅異代蕭條感慨同  
圖畫烏犍傳解曳  
霜天白菊憶山翁六橋煙柳還今日  
南渡衣冠自古風  
茶竈藥鑪依舊好絕無人  
是陸龜蒙

湘江

寄黃秋谷

至馥

曾通芳訊算雲邊五字青山感舊緣  
苦我奔馳凡九省  
疎君清問已三年幾回寤寐還相憶  
未審鬚眉可似前  
倘許秋光容語別清罇擬就菊花泉

用前韻再寄秋谷

那似飛鴻曉日邊

來詩有形同餓鶴還加瘦  
心羨飛鴻不似前之句

泥痕爪跡

總因緣汪汪大度空餘子  
落落晨星入暮年聞有醫方  
縣肘後豈無月色到牀前  
桂花香裏榮莢好珍重平山  
第五泉

### 三用前韻覆秋谷

鴻詞再誦樂無邊文字真誠骨  
共緣風雨夜曾思就日  
雲霞交本屬忘年論書定在涪翁後  
成佛當生靈運前  
我愧但能牛馬走輪君清興寄林泉

### 九日四用前韻呈秋谷

滿懷秋思菊籬邊未了朱萸插鬢綠意味還同永嘉客  
風光却勝義熙年旣邀賞識驅黃外悔不文章魏晉前  
擬種南山山下豆鄰翁分與白雲泉

聞歌

聲飛垂柳復垂楊幾度聞歌泣數行明月慣依山窈窕  
落花終是水文章才人有例歸旣養宮女難辭入道場  
五嶽九州行已遍蕭蕭贏得滿頭霜

秋風

秋風昨夜入邊陲向曉能令楚客悲已分金河供使役

漫勞錦字問歸期蛾眉從古工謠咏燕領由來有數奇  
惆悵蕭蕭白楊樹最先搖落最高枝

與毛秋伯書

秋老關河草木黃豈期執手又山陽帛書已負三年雁  
鬚鬢空添萬里霜誰謂宦途非一轍最難生小是同鄉  
潭州消息君知否多少孤寒涕滿裳

庚寅秋又將北上書以誌別

又被西風吹夢醒虹橋橋畔短長亭蜀葵向日心原赤  
楊柳逢秋眼倍青自我琴書還檢點古人妻妾也飄零

芙蓉一抹山橫翠  
吩咐征車畫裏停

曉望江城似畫圖  
更番前路問征夫  
雨聲入夢曾飄瓦  
風色侵簾合斷壺  
露冷碧蓮初褪粉  
夜翻青犢未投足  
舉頭尺五分明見  
歷歷天河轉白榆

秦淮伎見寄小像索題卽用原字

春風省識信還疑  
算是崔徽病裏姿  
新月似眉慵畫出  
斷雲如鬢罷梳時  
未能打槩迎桃葉  
空自銜杯問柳枝  
底事秦淮好風景  
教人容易感相思

曾覩銀鈎妙若神  
更聞歌曲下梁塵  
千觴綠酒鐙前醉



卷之三  
一  
一帶紅牆畫裏春  
錦瑟舊遊空有恨  
繡幃新夢恐難真  
戲君欲買閒簑笠  
扮做漁郎來問津

近聞卿愛禮空王  
洗盡穠妝換澹妝  
想厭鉛華皈淨域  
可容車馬到橫塘  
日長刺繡應添線  
夜靜彈琴合蕙香  
愧我色空空未悟  
幾回還欲住東牆

自書詞集後

鳳凰毛羽十三根  
擊徵敲商仔細論  
一曲霓裳來月窟  
六時梵筴轉花門  
何勞粉墨情如在  
試聽琵琶怨尚存  
寂寂有人深院落  
柳梢明月恨黃昏

滴粉搓酥最妙年翠簾金柙累啼鵲小樓舊夢三千里  
上國新聲五十絃絃擘丁香排乙集漫焚甲煎誦辛編  
剛知與我千何事其奈多生翰墨緣

病起偶成

似與菱苓有夙緣無端一線藕絲縣被池濕透諸姬淚  
質庫償完買藥錢悟到醫方皆假借未妨籤咎有真詮  
迷離驚破三更夢愁聽哀哀祝上天

昏昏匝月未哺糜看到黃花力不支伴我此時雙孕婦  
相蘭二姬知誰它口是男兒更生劉向人爭羨未死虞  
時皆有妊

翻事可知多謝親朋真諒我不因疎慢動微詞

辛卯正月十五日湘姬舉一子命名湘生書以

誌喜

老去門闌喜氣增  
筵開湯餅興飛騰  
鐸書聲字君休笑  
得叶熊占夢已徵  
幾陣瑞飄今夜雪  
一枝紅透上元燈  
鄰家簫鼓渾多事  
擾亂啼聲試未能

張芟塘明經

維禎

以石蘿山房詩集見惠並贈

七律四首依韻奉和

妙奧知君解秘詮  
古梅花下誦新編  
壺中日月王長壽

畫裏山川趙大年矯矯煙雲人似鶴紛紛冰雪句如仙  
夜深已拔三條燭猶有餘香墮几筵

漫道文章身外名年來名已悞陳平十年糠覈門常閉  
千載蘭茝契早盟近水池塘春入夢映階蘿薜月含情  
此中滋味君能辨莫認尋常縞紵呈

泣鬼驚天世寡儔更誰黑白辨根由願持苦澀千聲佛  
早散慈雲一縷愁銀燭當空花自笑瓊簫入破鶴同遊  
澆花谿叟眞詮在語不驚人死不休

花光柳色細評量輸與何家傅粉郎倏爾陽春傳玉屑

敢因熊夢賴慈祥景升兒子雖豚犬白傳琴書且秘藏  
此後煙雲常供養奉君詩句等珪璋

奉和沿山上公秋柳原字

武昌城外細腰宮繞遍秋光綠萬鼓歌罷新聲雙白鵲  
夢回往事五花驄錦江蘆荻迷朝日金井梧桐媚晚風  
遮莫連宵鈴鐸響幾回鈴認喚東東

徐孺丰格本亭亭老去猶諳高指聲萬里書憑沙宿雁  
數聲夢斷曉啼鶯古人袍色分深淺時世眉痕辨重輕  
記得芙蓉花下立沈寥天氣晝陰生

嘒嘒聲中日影斜凝妝無復舊宮娃新涼篋已捐團扇  
細雨隄偏滯鈿車龍憤公私還閣閣蛩喧霜露故衙衙  
漫云白帝回青眼可奈餘生鬢已華

話到爲萍祇自憐沾泥心性本來偏情迷澥閭難爲水  
愁繫春多欲化煙入塞流光終黯黯渡江消息自年年  
黃金臺畔千株樹依舊橫陳大道邊

蕭蕭槭槭滿關河草色侵衣慘綠多五斛罷徵螺子黛  
隔江猶唱叛兒歌是誰薄醉窺銀漢也自因風想玉珂  
悵望空陵悲朔漠算煙飄處月如波

籬畔霜含菊蕊新  
垂垂橘柚色初勻  
評量姿態還三起  
其奈風光是小春  
此際桓溫悲老大  
當年張緒果何人  
茫茫一派桃源水  
可許扁舟橫要津

月明霜淨夜烏啼  
紅葉浮溝夢遶隄  
嶺嶠音書傳索寞  
塞垣砧杵響清淒  
空聞繡陌黃金埒  
無復雕欄碧玉蹄  
綽約章臺千萬縷  
曉風吹處野鷹栖

長筵聲飛思渺漫  
封書迢遞雁行單  
腰從病後憑誰瘦  
眼到青時且自看  
芳草無心憐粉蠟  
春光何日滯紅欄  
煩它十丈風前絮  
好好圍香繫玉鞍

贈別

聽唱驪歌合斷魂紛紛絲雨濕黃昏何時重下南州榻  
此日先傾北渚樽朋輩交情詩裏見琵琶怨恨曲中論  
官階自笑非司馬也賸青衫淚幾痕

湖舫卽事

吹瘦春波綠幾層相逢詞客語春鏐人因芍藥傷離別  
詩爲樓臺感廢興綺陌亂橫牛背筵湖山斜挂渡頭簪  
無愁祇有腰纏客猶自繁華說廣陵

八月十五日旅次淮陰蘭姬舉一子命名蘭生



詩以識之

廣陵燈火記縣弧湯餅淮陰讌又鋪它日賢愚雖未卜  
斯時啼笑儘堪娛安排果餌酬佳節趁有琴書在客途  
惟問團圓今夜月風光得似故鄉無

九日舟次南陽道中作

佳節年年客思賒扁舟今又水雲涯青鐙伴我連宵雨  
黃菊遙憐故里花南去賓鴻隨逝水西來羽檄隱悲笳  
懶題糕字君休笑試聽淮南有怨嗟

贈正定沈西雍太守

濤

廿年踪跡感雲萍幾度衙空醉復醒文字樽前論舊雨  
故交天末比晨星蘆花雪後頭俱白楊柳春深眼獨青  
今日相逢非萬里此身那得算飄零

褰裳兩度渡滹沱秋月春花客裏過此地佳人真絕代  
當年壯士有悲歌蕭蕭易水餘寒早渺渺恒山落木多  
車笠偶申今昔感杜陵廣廈待如何

丁酉四月二十七日蘭姬復舉一子命名春生  
詩以紀之

婦裝卸後劇清談忽報穉生笑不堪劉氏孝標雖第五

薛家小鳳却行三曉風絲展楊枝潤細雨紅侵芍藥酣  
漫把洗兒錢細看布泉真個驗宜男

古錢中有名布泉者佩之生男

旅次開封會當事諸公

盛世嬉遊樂太平年年奔走快吾生非關賤子勞車馬  
要與羣公記姓名梁苑有才堪賦雪南陽無地可躬耕  
來朝又整關河策漳水銅臺下鄴城

漳德道中

撥開荆棘問銅駝七二疑墳贗幾多太息雄才生亂世  
如何對酒不當歌分香妙伎終歸晉傳粉嬌兒却姓何

知否臨漳臺畔客斷碑殘碣幾摩挲

次太原作

遊興方酣不自由無端襪被走并州馬頭雲起平猶險  
雨後涼生夏亦秋佳話至今傳李靖荒祠多半祀韓侯  
大行山色壺關月如此風光足倡酬

呈治山上公伯澥儲公

明知分有雲泥隔其奈難忘知己恩異代衣冠開錦陣  
滿堂絲竹佐金罇彭宣前席差堪擬李賀高軒豈足論  
聲價若從今日定荊州那便是龍門

春風握別已三年萬里鶯花萬里天鳳嶺羈懷雲繞夢  
鹿門歸思夜停船文章欲謝邱遲錦得失羞爭祖逖鞭  
指日春明叨薦拔幾回熱淚一潸然

回首鄉園思渺茫無端城郭走帆檣張綱舊轍埋三省  
鄭俠新圖達九閭漫道豐年調玉燭果然盛世賴  
金湯自慚窺管書生見便欲移家入聖鄉

屈指如公世所難一裘能庇萬人寒高枝湛湛露應相憎  
小草敷榮也自看遂使鄒枚稱座客本來屈宋是衙官  
卽今嶺上傳梅信待春風入畫欄

贈張芸心隱君

明

管年杜甫訪幽栖  
今我尋君信馬蹄  
上古衣冠尊野服  
卽時鷺鴨滿山谿  
半生雖盡書中蠹  
處世原多瓮裏雞  
君有古韻發明徧行海內  
鄉里猶有謗之者故云  
有約明春須記取  
藥欄樽酒好相攜

如臯水繪園題壁

小閣長廊生野煙  
梅花寒勒算春天  
空聞公子多才藻  
無復雲郎擅管絃  
笠屐湖山思往事  
昇平哀樂感中年  
微波渺渺池塘水  
偕與閒鷗傍釣船

四月二日貴姬來歸作古豔詞十首兼示湘蘭

二妾

紅版橋頭石徑斜一灣流水路三叉鶯辭上苑春  
啼樹蜨戀南柯曉夢花此日蒼葭欣倚玉當年彩鳳怕隨雅  
煙波欲起鴟夷問何事扁舟訪若耶

丁字簾前湖上樓琵琶新譜四絃秋菱花著雨枝猶弱  
桂樹逢秋葉自稠好把襟期酌麗殺都將幽怨付繁篴  
含嬌幾度嬌無語笑指宮砂似舊不

青娥皓齒本無羣百和濃煎氣自薰修竹固能寒翠袖

榴花尤愛如紅帶沾泥有影憐飛絮出岫何心學斷雲  
悄傍妝臺凝佇久蟠龍金鏡悟雙紋

絹素常留水墨痕新茶熟後異香溫幾叢芍藥紅翻砌  
一樹枇杷翠繞門簾捲鰕鬚遲白晝鎖含魚目靜黃昏  
方紋繡褥烏龍臥斜倚薰籠手自捫

山光如黛入睂青水榭風廊取次經金縷曲中金屈戌  
玉鉤斜畔玉零丁識偏能驗同心結魂竟難消九葉萍  
記向櫻桃花下立蜻蜓飛過護花鈴

油壁香車青粉牆銀罌翠珥紫霞裳誰裁院本傳三笑



儂愛宮詞譜十香玉貯冰壺春晝永鐙飄珠箔晚風涼  
碧欄杆外盈盈月鈴索無聲照海棠

緩緩香飛陌上塵內家裝束趁時新如雲髻挽三條練  
似水裙拖六片銀門掩梨花深苑雨舟橫桃葉隔江春  
翠樓金屋知多少未肯明珠悞此身

血色生綃寫折枝屏山從此寄相思杯傳鸚鵡沈酣際  
繡刺鴛鴦忍笑時獺髓無醫眉澹掃虬膏有淚燭頻移  
宮商細味龜茲曲竊取蘆笙款款吹

笑猜紅豆戲紉蘭雅嘴攜將種合歡寶鴨微煙籠碧焚

檀槽私語訴雕欄歌因別久聲猶澁夢爲愁多記却難  
衣薄五銖渾不耐瓊樓高處況清寒

瑤臺十二鎖煙鬟清簾疎簾舊往還纏臂尙餘金鐙落  
搔頭無復玉連環行勝內紀彈琴峽畫稿中藏聚米山  
客到江天花滿樹雨絲風片鳥緡蠻

閏九月九日同徐生莽作

插鬢休嗤鬢已霜人生幾見兩重陽客中有酒酬佳節  
愁裏看花憶故鄉楚北至今多牧馬淮南從古重宣房  
閏年原有黃楊厄羞與哀鴻說稻粱

十三日再用前韻呈生菴石甫兼東山左諸子  
楓林如畫染新霜細把茱萸對夕陽幾度音書來澤國  
每因鰕菜動江鄉編年詩擬陶彭澤縮地方傳費長房  
寄語舊時諸侶伴盧生今已悟黃梁

范廉泉明府以鄭所南竹石錢舜舉職貢蔡女  
蘿花鳥譜冊見視三用前韻

金粉鎔成筆底霜細分均突見陰陽攜將墨寶藏官署  
招得芳魂入水鄉異國冠裳新畫院數行竹石舊文房  
臥游飽讀成追憶冀北新徵八月梁

黃楚橋歸自袁浦並道其山陽親友見問四用  
前韻

且拂扁舟五夜霜漫勞耆舊說山陽由來吾輩宜高閣  
何事羣公亦醉鄉風緊蘋花浮冷豔露垂蓮實賸空房  
請君珍重消寒酒釀取床頭五斛梁

女道士三桀來訪五用前韻

皎如秋水淨如霜師事當年李伯陽愧我未逢青澥馬  
被卿先占白雲鄉階多瑤草依芳砌篋秘金經滿洞房  
試問魚元機去後更誰疏雨翦童梁

蘭姬三十壽

鳴綠江回紫塞春地鄰燕趙豈無人聽琴慷慨從司馬  
讀賦殷勤問感甄妝罷不須羣繫足姬愛作滿洲妝畫餘常帶  
墨沾唇最難生小嬌凝慣紙間蘆簾不厭貧

癸巳冬至舟中作

極目遙天轉玉繩晚風寒送滿船冰滴無蓮漏惟聽水  
飛少葭灰且驗鐙上古詩書非浩瀚中朝將相久模稜  
艸公穉女殷勤說暗裏春回線可憑

呈李春畹王容參兩觀察

不聽鈞韶又五年蕭蕭華髮老彭宣歲常饑饉愁難免  
語到鄉園思黯然萬頃蘆花虛夜月幾家村落有炊煙  
書生況乏干時策惆悵西風馬不前

癸巳除夕告存

浪傳消息滿江湖知己同聲哭謝敷

時有傳余死者

與我招魂

辭窈窕送人作郡鬼揶揄世間生輓詩原有天上脩文  
缺尚無笑把梅花酬令節客中今又飲屠蘇

宮詞三十首用全韻呈伯澥儲公

瞥取流光鑿愛河儘將仙骨換青蛾茗華豔發承恩久

玉宇寒深覺夢多  
隄築糟邱稱樂土  
瀾翻甌水認情波  
綏綏一片塗山月  
分得清光入女蘿

夏紀

鹿臺日歛萬黃金  
買得師延靡靡音  
聚蠆爲盆妃子笑  
蓄蠶作室老臣心  
七年土木供遊屐  
九市笙歌列抱衾  
北鄙朝歌誇富貴  
酒爲池沼兵爲林

殷紀

天遣龍虬建綵旄  
旄服市聲高  
敲冰祇要憑骸骨  
裂帛無勞問剪刀  
此日王風頽蔓草  
當年天馬載葡萄  
黃金難買輕盈笑  
烽戲何妨再一遭

周紀

連理枝分豆蔻梢  
雲山何處覓鸞膠  
笑寒珠箔窺駢脇

病倚香篝問六父桐葉有心巢翡翠桑條無計挽蠅蚋

卽今風雨殺幽路玉碗金魚尚出郊

姬晉

闔閭城畔月如鉤響屨廊空水自流一代霸圖餘夕照  
五湖煙景屬扁舟薪添舊恨甘嘗膽蓮採新聲誤並頭  
有鳥南山啼暮雨明珠心跡爲誰投

句吳

章華池館久亡援址蹟猶存繡履痕楊柳入春腰自瘦  
桃花含笑夜無言樂張湘水舟中讌雲戀巫山夢裏恩  
擁鼻可憐人早死青青芳草與招魂

芊楚

曉鏡如星閃玉臺新鶯細柳與徘徊嬌藏阿閣三層後



春透潼關四扇開  
賸粉殘脂流作膩  
霏珠屑玉釀爲灰  
沙邱忽自能尸解  
徐福何妨去不回

羸秦

千金詞賦挽斜暉  
春老長門碧草肥  
涎涎似謠還似詠  
姍姍疑是復疑非  
迷離月色歸窮袴  
斷續春聲戀赭衣  
怪煞東風無賴甚  
皇孫啄後燕雙飛

漢

蓮葉杯盤翠若揩  
裸遊仙館畫橫釵  
苔痕被綠風生砌  
粉汁流香月滿階  
帳隔雞聲酬酩酊  
簾飄鐙影助詼諧  
招涼舊曲翻新調  
漫舞輕歌騁豔懷

後漢

夾道青槐冷夕曛  
銅臺漳水思紛紛  
倡樓竟有傾城色

水府能無絕代文紅進唾壺知是淚夢留仙枕願爲雲  
疑墳浪說分香後草綠花明蜨一羣

魏

青梅熟後酒盈缸笑擘蠶叢作帝邦望闕何年啼蜀道  
思親有淚灑吳江帳中顏色溫如玉城上芙蓉蒂自雙  
回首可憐花燭夜弓刀如雪影幢幢

蜀

蘭陵嫩酒武昌魚一片江城畫不如豈易乾坤成鼎足  
最難姊妹解兵書肩尖紅褪宮紗後眉角春生獮臄餘  
財賦已空民已憊東風無力再吹嘘

吳

風沙獵獵步纖纖身隔屏風笑隔簾若問官私惟問閣

且譚風月勝詹詹椒塗鳳閣春調雪竹引羊車夜撒鹽  
論到簾箱天上事三千恩寵一身兼

晉

溫柔鄉裏拜公卿房帥持籌夜唱名寶扇不須羞謔浪  
地衣早已裸輕盈縱饒通替棺無益畢竟同懷姓可更  
深夜忽聞宣密旨恩頒面首侍險旌

劉宋

九子鈴聲警夜烏飛仙帳底繫明珠玉裁鈿簫臨風響  
金鑿蓮花貼地鋪屏繞琉璃春壓繡釵縣琥珀夜當鑪  
樓塗青粉由來慣何必神祠怨女巫

齊

雉尾雙分選佛場滿宮詞賦粉生光金鑪綽約圍椒火

玉盃殷勤奉蜜湯粥鼓餘閒翻翠袖天花隨意上釵梁  
贖身億萬錢將盡賸有房中半面妝梁

芳林麗宇殿華筵夜夜深宮笑擘牋桃葉豔浮江上楫  
薦支紅透井中天鬢雲異彩凝妝鏡玉樹流光照管絃  
醉裏不知漂木枌望仙樓上望神仙陳

百八袈裟響珮環鑄金未就淚潛潛祇憑空庫三年壁  
分得磨筭一角山連臂楊花飄異國當胸貝葉繫禪關  
承恩莫過生男苦纔勅青宮便賜纒北魏

紈扇輕揮避暑宮瓠蘆光閃月明中情從握槊鞍中定

語在拈香座上通玉體橫時兵乍入黃花開後酒全空  
琵琶彈到無愁曲喚醒胡牀夢未終

北齊

穹廬鐙火夜初闌車走雷聲緒萬端鏡閣易迷千片月  
鐘樓難禁五更寒從無皇后稱宮主竟把元妃嫁宰官  
惆悵夜深花十八嗚嗚羌管獨凭欄

北周

錦帆飄處柳穆穆影入長眉月正三賜盒餘情終慘澹  
司花生性本嬌憨車中肢態雖如意鏡裡頭顱已不堪  
五斛黛螺微未得一齊爭唱望江南

隋

侍女金盤壁荔支鍾情無過念奴癡沈香亭畔雲兼雨

凝碧池頭竹與絲水色山光虛皓月鳥啼花落動悲思  
如何夜半瞞人語却被鴻都道士知唐

卅六鴛鴦卅六鱗鸞與迢處破苔茵三杯杏酪香沾席  
一曲桐花淚滿巾淺碧羅衫天水色淡黃楊柳帝臺春  
珮環聲裏鑪煙細知是昭陽第幾人南唐

摩訶池水碧迢迢一曲清歌賜玉簫弓矢北巡珠作帽  
珮環南渡翠爲翹千觴夜醉凝人酒萬里春生伎女橋  
聞說青城山下路牡丹開後籠青綃前蜀

香詞新豔比芙蓉內侍傳宣進勅封繡被猶堆前後夢

錦囊偏繫往來踪  
鏡從別後光難掩  
旗到降時色轉濃  
至竟深恩忘不得  
楊前長奉舊時容

後蜀

鼗鼓喧喧響乍停  
奏章參閱任娉婷  
纔聞白屋新承寵  
便賜黃庭內景經  
未損玉釵雖有驗  
欲歸金珥竟無靈  
芭蕉綠遍來時路  
愁聽西風戶獨扃

宋

帝入中原信馬蹄  
黃沙回首草萋萋  
何來老嫗棄青犢  
飽看佳人咽錦雞  
三宿承恩恩似澥  
六官同醉醉如泥  
吟成十首香詞後  
雌霓無聲月漸低

遼

假厮兒  
拜守門監  
解識君王不信護  
瓊島亂排金勒馬

爵樓高駕石揚帆箱堆褻服情方洽輦併瑤池怨已衡  
詔判鴛鴦符識後蟠螭新賜綠蕉衫

金

萬歲山高層復層天香亭畔幾回登若思馬湏非難致  
再覓駝茸恐未能億竈傾心嫺律令百官同日拜傳鐙  
演成十六天魔舞從此宮闈不禁僧

元

官家心性太驕奢無過無端廢六珈白玉玲瓏縣紫綬  
黃金腠脫裹青紗中郎私第嘯飴粉老婦戎裝侍翠華  
悟到蒼蒼滋委鬼天涯無處不茄花

明

夢保鳳池先生作



九日樽前感慨頻霜天無復鬢如銀三年祇博宵來夢

萬里徒傷却後身

余出都覆車入大河幾沒

似我疎狂仍復爾如君

高誼更何人泉臺知否天涯客愁對黃花淚滿巾

冬日偶成

寒透梅花雪滿枝牛衣心事夜鐙知伍員吳市吹簫日  
韓信淮陰把釣時一飯未酬恩尚在三年欲報怨何遲  
商量河畔冰開後自有東風爲主持

乙未九月移家至曲阜作

五載回思水上泡偶因蜚語毀誅茅豪非季布偏輕諾

友人初許僭屋忽而中止懶比嵇康且絕交  
牘有圖書堪自適不妨  
井臼任親操朱門依舊無關鎖  
鼎鼎春來燕子巢

覆阮魯卿孔厚書

裘馬翩翩阮伯瑜封書千里慰馳驅  
倘能完璧全歸趙  
不定扁舟再入吳老去心情同雁鶩  
年來踪蹟類樵蘇  
故人努力溫經史莫學劉蕡一第無

年少身從萬里行新詩傳徧夜郎城  
非關宗慤初棄浪  
豈似終軍驟請纓地近三邊多牧馬  
人非六詔不譚兵  
竹王祠畔牂牁水曾否滄桑有變更

五載襟分道路賒滇南江北兩無涯君方靜守三年禮  
我却虛隨八月查老大江關悲庾信神仙夫婦羨秦嘉  
梁間燕子雲間鶴聞說都歸宰相家

君家大阮擅風流

謂梅叔

與我論交二十秋風雨每深知

已感別離時動故鄉愁樽疊北解新賓主絲竹東山舊  
倡酬今夜月明梅樹下願流香夢到揚州

### 傷心四首

一縷春痕跡未消夕陽紅過赤欄橋楊枝折後歌三疊  
桂葉穠時賦大招畫裏遠山春隱隱匣中新水夜迢迢

傷心居處無郎日少弟中兄盡珥貂

寒夜無端解珮環藥鑪私語慰痾瘵當年門第深於解  
此日恩情重若山安樂窩原難再得溫柔鄉已不知還  
傷心宮燕多謠詠不許春風度玉關

醉裏頻呼范大夫扁舟早買入東吳其如豔曲歌三婦  
那得閒身伴小姑新水乍拖裙襖明珠常繫繡羅襦  
傷心閨彥爭相謔我見猶憐況老奴

節未逢秋也自悲強隨明月入書帷無金去買長門賦  
帶淚來吟團扇詩倦倚香篝腰約束愁看石闕口銜碑

傷心往歲停車日遙指紅牆不語時

留贈及積堂

別來踪跡感斜曛皓首徒傷日暮雲  
潯內文章原爾爾天涯冠蓋自紛紛  
灘江明月同爲客沂水春風祇見君  
莫怪停車留半日百年禁得幾離羣

偶述

編籬插棘補煙蘿種樹難如郭橐駝  
有酒不妨人問字無田翻免吏催科  
膝前兒女嬌癡慣天末雲山感慨多  
獨在異鄉爲異客每逢佳節一高歌

咏萍

清白隨緣自不同  
漂零何必怨西東  
本根難固原無土  
駭浪時驚亦任風  
幸有魚鰕爲伴侶  
肯因聚散逐飛蓬  
前身應笑沾泥絮  
祇博春光一瞬中

春草堂集卷六目錄

五言絕句

橫江詞

古意

旅況

禪智寺

效梁簡文帝悼亡

宮詞

五詩僧吟

野雞墩候潮

夜坐

壬辰正月東臺道中作

宿靖江作

古意

與嘯谿上人說偈

效梁簡文帝咏菱

七言絕句

嫩人風箏



寄程元聰

自題草蟲便面

過伎故居對杜鵑花有感

舟泊瓜渚

楊花

杏花

背面宮人圖

鐘聲

帆影

聞雁

虬髯公

畫菊

過友人留句

送別

山行

邯鄲道中

舟泊湖上

書快園詩話後

癸未春偕友人之淮陰

過雙樹莽示蓮谿

書白雁圖後

書陳小雲湘煙小錄後

蒙陰道中

畲朱嶽雲羽士

泊荻港鎮

舟泊江陰作

無錫雙修莽女冠王韻香屬題蘭花冊後

春草堂集卷六目錄

舟泊毘陵

夢中見鍾離洞賓二祖師畫像

周浦道中

閔巷道中

遊橫雲山之前夕夢入此境

舟次無錫趙良甫邀遊桐菴訪月卿女冠

高郵道中卽事

舟次寶應晤葉兩垞明府袁真來主簿

淮安晤程禹山孝廉

譚兩香明府留飲

讀五代史作

讀十國春秋作

峒崕道中

交河道中

趙北口

蘆溝橋

哭王井叔茂才

朱虹舫閣學

方增

春草堂集卷六目錄

姚秋農尚書

文田

貴雲西侍郎

慶

陳石士閣學

用光

吳蘭雪中翰

嵩梁

楊魯生太守

嗣曾

姚卿門樞部

觀聞

譚雨香明府

霖

次彭澤

次九江

洞庭湖

楚宮

湘鄉道中作

七月九日全州道中雨

十日興安道中雨

十一日靈川道中雨

十二日抵桂林雨

陽朔道中

舟次梧州晉蘭巖都督卽夕招飲知余有伯道

之感明日告諸袁介莽太守買湘姬以贈書  
以誌謝

舟次端州晤許青士觀察論及十六國春秋故  
事因各繫二絕句以呈觀察

擬曹唐小遊仙八首

畫竹贈劉二瓢

七夕回文

春草

口占二十八字寄王二波真州姚石甫虔州湯



雨生越州

題蘭姬畫冊十首

白溝河弔文丞相

天津道中

滄州弔張傳山

命蘭貴兩姬作畫

春草堂集卷之六

甘泉 謝塋 佩禾

五言絕句

橫江詞

君作橫江吏妾住橫江側君似橫江水妾似橫江石

古意

不買死馬骨安得真龍媒不築黃金臺安得郭隗來

旅況

礎杵驚殘夢鬚眉感舊顏更聞鄰笛唱只是念家山

禪智寺

自昔繁華地名賢誌竹西至今遺址在芳草空萋萋  
寺旁多墓田不識幾興廢試看紅杜鵑知是誰人淚  
效梁簡文帝悼亡

隔歲月仍圓經春花復鮮冷香與殘豔零落鏡臺前

宮詞

粉褪蠅衣軟絲多蠶腹垂含情寄玉筵未敢向人吹

五詩僧吟

山背夕陽開江流去不回片雲應有意飛上講經臺

僧

茶

一榻維摩室消寒只閉門詩魔降未得炙研火常溫石

繞陁萬竿竹當階兩株樹此卽閉關人終日譚經處心

佛本多情種文章見性靈夕陽明遠水孤鶴下寒汀臥

一息萬念盡空山生白雲茫茫煙水外鷗鳥自成羣聚

石

野雞墩候潮

來船帆不張去船櫓亦住月上夜潮生東西各自去

夜坐

月色淨無塵空庭坐涼夜淒淒三兩聲蟋蟀鳴牀下

壬辰正月東臺道中作

一派無情水茫茫生白波旅懷愁不寐花落奈春何

宿靖江作

城郭二三里居民千百家旦暮聞何物書聲雜紡車

古意

夢行巫峽雨木落洞庭秋之子遠行役空房生獨愁

與嘯谿上人說偈

蒲團破曉參蘿火照深夜吹徹碧桃花有個鶯兒罵

效梁簡文帝咏夢

花鑄秦宮鏡詩翻漢帝歌西風不解恨吹瘦江南波

七言絕句

嫩人風箏

掌中一線達銀河幾度因風想玉珂畢竟嫩人天上好  
五雲深處受恩多

寄程元聰

飛將騷壇五十年賓朋如雨酒如泉  
卽今煙水湖天外夢破僧房月尚圓

芍藥欄邊共酒卮黃花轉眼又紛披  
高懷肯踐龍山約莫憚西風冷鬢絲

自題草蟲便面

滿目秋光興不孤含豪破我睡工夫  
依稀記得滕昌祐曾寫幽風第七圖

過伎故居對杜鵑花有感

春風此日冷閒門無復花前對酒樽  
寄語今宵枝上月  
算教照見舊啼痕

舟泊瓜渚

頻年贏得費邊絲寒送江聲感舊時  
記得蕉窗秋剪燭  
一編風雨佛狸祠

楊花

春光團結撲衣多和雨和煙繫綠波  
亞字欄干舟一葉  
琵琶低唱叛兒歌

杏花



春風幾處綻墻頭紫燕銜香墮玉鉤絕憐寒食疎疎雨  
紅染一林煙滿樓

背面宮人圖

妝罷回身情態慵牡丹花下背春風自知薄命難承寵  
不願君王見妾容

鐘聲

聲聲敲碎沈寥天夢醒南朝思惘然感我蘇門初作客  
輕舟曾廢一宵眠

帆影

雲影山光一色裁  
清風飽趁夕陽開  
桃花紅破三春浪  
疑是人從天上來

聞雁

一聲嘹唳破寒雲  
偏我愁中不奈聞  
極目關河霜露冷  
天涯兄弟正離羣

虬髯公

勝負長安一局棋  
中原王氣已先知  
好風從此三千里  
直向扶餘國裏吹

畫菊

尋芳曾解杖頭錢  
濫醉城南野水邊  
欲買又愁無地種  
畫圖了我一秋緣

過友人留句

殷勤一飯勸加餐  
且共梅華耐歲寒  
風雪滿天除我外  
更誰來問老袁安

送別

青玉絲纒白玉鞍  
翩翩年少下長安  
崔巍山色玲瓏月  
都付詩人馬上看

山行

亂山深處兩三家石室茅簷坐紡車睡起忽聞聲叱犢  
一犁春雨種棉花

邯鄲道中

破帽疲驢下趙州西風殘照客登樓未眠已報黃梁熟  
似比盧生勝一籌

舟泊湖上

親朋話舊具盤餐酒入愁腸強自寬一事傷心言不得  
故鄉今作異鄉看

書快園詩話後

廣陵煙月秣陵山好景都歸卷軸間不是天教留病榻  
那能託賦動江關

十萬金錢脫手空早年王粲賦從戎蒜山葱嶺黃砂磧  
都在鏡歌漢曲中

癸未春偕友人之淮陰

春滿江城柳色新扁舟載得月同行與君不是無家別  
算問陽關第幾聲

過雙樹菴示蓮谿

如斯雙樹勢摩空霜葉應堆滿陘紅我已年來同素靖

學書還望埽秋風

書白雁圖後

圖爲節婦凌氏  
臨歿時所畫

明月蘆花午夜寒無波古井淚同乾任它絕妙平沙曲  
絃到無聲不忍彈

書陳小雲湘煙小錄後

夢裏焚香月未闌名花愁損玉闌干忍冬固是傷心樹  
曾向春階伴合歡

桃葉渡頭春水春桃花一片委芳塵欲將去果來因證  
街鼓盲詞唱繪真

蒙陰道中

蒙陰山色曉蒼蒼  
墓紀顓臾古道旁  
幾度停車停未得  
曉風疎雨向磬陽

禽朱嶽雲羽士

小病僧樓臥起遲  
感君投贈禽君詩  
人人都道黃庭好  
幾見剛剛卻好時

自笑年來愛著書  
三尸結習未能除  
憑君欲問真消息  
凡骨金丹事有諸

泊荻港鎮

依山結屋似樓臺  
面面窗虛江上開  
我正停舟微雪後  
青山寺裏看梅來

舟泊江陰作

春風倚櫂暨陽城  
向夜家家紡織聲  
聞說江南尚純綺  
不知何處月華明

斗大孤城江水渾  
萬花無語酒盈樽  
君山無限青青草

猶爲春申守墓門

山有春申君墓

無錫雙修莽女冠  
王韻香

嶽蓮

屬題蘭花冊後

綺歲關河馬首東  
南魚北雁逐漂蓬  
曾從太華峯頭見



十丈蓮花色亦空

百首新詩九畹蘭更留新竹報平安  
仙源畢竟眞清境日算何曾倚袖寒

迢遞蘇門一櫂回上清宮殿擬蓬萊  
靈飛一卷眞詮在可是簪花格裏來

舟泊毘陵

記得兒時曾過此白頭如許又重經  
桑條榆葉知多少猶帶斜陽向晚青

夢中見鍾離洞賓二祖師畫像

分明夢裏家山在天末  
雲霞澹素秋一席未終吹忽醒  
簫聲無賴是揚州

正陽無語純陽笑同是浮沈劫裏身  
一粒金丹三尺水  
知它誰是再來人

周浦道中

朝辭上澥算川沙  
周浦殷殷數萬家  
一夜弦聲聲不斷  
家家彈碎木棉花

閔巷道中

九峯遙映翠千鬟  
三泖平分綠一灣  
過此祇須三十里

好風轉瞬是雲間

遊橫雲山之前夕夢入此境

橫雲山色曉寒生  
谷水冰花結未成  
若道浪遊非數定  
山靈那肯夢中迎

舟次無錫趙良甫

函

邀遊桐奔訪月卿女冠

衣裳雲水飯胡麻  
此是天台第幾家  
它日有緣重問訊  
算令仙犬吠桃花

高郵道中卽事

孟城城北雨初旌  
我正停舟岸上行  
鷺地一聲喧水面

兩行篆隸不分明

城北通河橋汛春工興作夫丁掘土二尺餘得水一泓現字兩行非篆非隸人莫能識經兩晝夜而滅

時道光丁亥三月十五日也

舟次寶應晤葉兩垞明府

維庚

袁真來主簿

遲

八寶城邊春已深  
聲聲綠樹變鳴禽  
頻年水患無饑色  
乃見賢侯父母心

淮安晤程禹山孝廉

虞卿

駘蕩春風三月初  
一封曾接故人書

謂施潔人茂才

書中落落

無它語但道先生水樣如

譚雨香明府

霖

留飲

早聞時雨滿江南

明府率崇明時政績頗著

坐領春風月正三才薄

不須歌召杜竟陵文字本鍾譚

讀五代史作

梁

敬翔戕刺最投機壞草溝中馬哭圍兵困鳳翔悲不托

紇干山雪凍難飛

老兄行樂投盆後子婦承恩受詔時回憶唐家何負汝

紀功河朔有豐碑

唐

矢藏太廟讐能復畋獵中牟諫亦從回首三垂岡畔路  
負芻時有李橫衝

卽位壇爲蹴鞠場一門三姓感滄桑如何夜祝焚香後  
依舊瑯琊大道王

晉

陷酥名已重諸侯更割幽并十六州一棗奚車一囊藥  
闕氏山畔六宮愁

萬民餓死旱蝗災大劔橫磨祇費才今日忽稱新女聳  
干戈賺得契丹來

漢

築罷沙臺又北臺臨邊木拐使臣回鐵鎚老將今安在  
賸有蘇家宰相才

羣小爭誇少主恩當年原自有東昏纔聞旨下收宏肇  
已報周師次北門

周

勇如周處能除害跡似曹瞞太用心老子癡頑常勸進  
鸞輿何必又湘陰

算因元舅較刑輕曾毀金身濟衆生兵到瓦橋休論命

騎驢人早說昇平

讀十國春秋作

吳

五千蔡卒黑雲都大將頭顱竟有珠不是孫儒多劫掠  
江淮那便屬楊吳

老抽嫩鬢打鐘槌喪服毬場燭十圍羣盜不從杉板至  
夢中曾兆白龍飛

南唐

李花終古勝楊花先後蕪城作帝家一宋齊邱能富國



干戈滿地足桑麻

徐徐東海寺樓鐘道者當年是乃翁生就升天鱗甲好  
勝它三十六英雄

前蜀

摩訶池上月如霜照見城隅萬樹桑回憶餅師家世好  
李岐終覺勝朱梁

後唐軍已入關中一曲新詞譜未終素壁青紗籠孟字  
牡丹還是去年紅

後蜀

致生疑冢安重誨不願興兵石敬瑭聖節千秋諸將  
兩行老淚哭秋霜  
醋頭僧似佛圖澄入市高懸一盞鐙況是峨岷山下識  
一車兩袋力難勝

南漢

風流天子十三年更造飛龍字在天聰王蠻方誇大賈  
玉堂珠殿自纏綿

紅雲讌罷感滄桑曼倩談諧最擅長二四羊頭來白雨  
一時愁煞小南強

楚

十萬新茶備歲供將軍天策受崇封  
黑衣大棒傳消息  
香滿宮牀擁八龍

長槍大槩富民多壁擁丹砂黛擁螺  
馬子忽隨羊子盡  
碧湘湖膽打魚歌

吳越

紀元暗合唐天寶置酒高歌漢大風  
七國奢淫爭好尚  
名駒玉帶幾人同

鼓山楊葉風吹後祠廟猶聞甲馬聲  
竭盡十三州物力

鸞儀湯藥最分明

閨

樹枯壇壤道家碑  
琴劍三郎白皙姿  
一樣桃林禾插地  
開門卻勝閑門時

赤虹夜吸金盆盡  
白鶴雙歸夕照低  
捨罷寺田三百頃  
君王方愛醉如泥

荆南

日盡兼程夜奪關  
壺漿老嫗夢初闌  
欲驕臣妾生還幸  
繡取君王手跡看

四省衝衢此一州  
犴糠及米更何由  
吳姬唱後韓姬唱  
萬戶千門哭未休

北漢

雕青天子已中朝  
空使稱兒向大遼  
聞說沙場千百戰  
李驤祠廟自蕭條

君誇自在黃驢馬  
臣愛金陵略綽盤  
生怕大都春一夜  
赤真人唱雪團團

峒嵒道中

渡過黃河始見山  
沙含石陁水生澗  
秋陽紅遍半心柿

人在峒崕道上看

交河道中

昨宵帶月渡滹沱  
古驛西風落木多  
薄醉忽驚殘夢醒  
鉢鈴聲裏走剛駝

趙北口

疎疎楊柳襯紅欄  
欸欸漁舟點碧潭  
莫笑停車恣飽看  
風光稍覺似江南

蘆溝橋

蒼葭滿目思漫漫  
無定河邊水正寒  
欲寄鄉心憑過雁

一鞭初日渡桑乾

哭王井叔茂才

嘉祿

生前每愧居王後地下修文復讓君  
吟到竹西新樂府少年慘綠最愁聞

阿兄競病詩無敵

謂二波

前月刊江數舉杯消息忽傳君

病革滿天涼雨雁聲哀

朱虹舫閣學

方增

滿座黃花香暮秋得隨清塵話瀛洲  
壺中冰與囊中雪不是天人不解愁

姚秋農尚書

文田

雞蟲得識滿階除  
月到天心思有餘  
它日長安重駐馬  
傷心不見老尚書

貴雲西侍郎

慶

鄉寰妙境得真詮  
相憶相思二十年  
文字回思真是幻  
翻從誤處結因緣

陳石士閣學

用光

家居相國舊林亭  
手植秋花待晚甞  
我有雙行知已淚

感公祠廟費經營

時爲家文節公建祠



春草堂集卷之六

吳蘭雪中翰

嵩梁

一冊新詩賦再生

君集名再  
生吟草

夕陽紅處遠山春  
問渠那

得清如許博士蓮花本後身

楊魯生太守

剛曾

朝衣上老萊衣酒晉萱幃祝古稀  
任取梨園教客醉  
兩行官燭送將歸

姚卿門樞部

觀闡

山抱龍眠書錦開滿堂絲竹許追陪  
傷心忽作驚人語  
若再相逢轉却來

譚雨香明府

霖

黃公鑪畔柳千行一筵臨風思正長  
多謝山陽譚大令  
停船幾度問同鄉

次彭澤

萬里孤帆客思遙西江春盡雨瀟瀟  
年來頗似先生柳  
那得因風不折腰

次九江

江城依舊枕江干無復琵琶江上彈  
幾度推篷眠未穩  
惱人風送夜潮寒

洞庭湖

湖光萬頃碧波澄一片帆開興欲騰  
惜取君山山上酒  
昨宵猶得醉巴陵

楚宮

君王夢懽記依稀壯士南征盡鐵衣  
異地忽傳它日事  
杏花枝上鷓鴣飛

湘鄉道中作

擘出青山徑一痕  
肩輿行遍一村村  
傷心鵲面鳩形婦  
猶畫長眉倚市門

七月九日全州道中雨

一路松滋新雨後  
滿山雲釀晚涼初  
行人祇恐衣裳溼  
折取沿途鳳尾櫚

十日興安道中雨

去城不遠二三里  
驟雨傾盆天上來  
喚取奚童須靜聽  
農言旱魃不成災

十一日靈川道中雨

山陁盤旋草木長  
蒸蒸殘暑滿衣裳  
溼雲催客村莊宿  
賸有新醅酒酒嘗

十二日抵桂林雨

盡道桂林山水好不辭萬里看山來山靈竟解客心事  
洗出峰巒待翦裁

陽朔道中

竹筏衝波鷗戰水榕陰當戶犬眠苔亂山環遶渾無路  
被緯聲從雲際來

嵐靄釀成青一片瀑花飛作雪千條分明福地開仙境  
卻有居民拾墮樵

舟次梧州普蘭巖都督佗保卽夕招飲知余有

伯道之感明日告諸袁介莽太守渭鍾買湘姬  
以贈書以誌謝

綠珠井畔曉煙清了角山頭夜月明多謝同鄉賢太守  
許分清俸助旌旌

北平都督舊風流七字催妝兆阿侯或恐書生金易盡  
封書還爲達潯州

舟次端州晤許青士觀察乃濟論及十六國春秋  
秋故事因各繫二絕句以呈觀察

前趙

耳畔臍邊赤白毫一門文武冠時曹忽教宮柄三分後  
神劍終承滅賊刀

豆田謠誤少微星  
虵虎宮中產血腥  
罌西小衰牛奮勒  
墮冰人卻醉初醒

後趙

北面傾心事漢皇  
天開碑識兆魚羊  
老拳毒手尋常事  
珍重鈴墮替戾岡

侈靡樓臺豔綺羅  
假孫假子亂時多  
石宏柔懦君能識  
冉閔英雄又奈何

前燕

天敎飛將起龍城十五年間朔吹生最異宣英初僭位  
鄴中已報趙王薨

如何三世無驕橫嚼臂猶含夢裏冤細把興亡論得失  
評存恪死復何言

前秦

五節蒲生兆五王中間暴戾已非常紫宮旣驗雙飛後  
又植梧桐待鳳凰

風聲鶴唳八公山掃墓鮮卑去不還到此始知王景略



不教飛騎向壺關

後燕

重耳啼來鬢已斑  
凱歌齊唱念家山  
雖云五木三盧瑞  
祇在循環一紀間

參合招魂祭未休  
又將鉅鹿棄戈矛  
分明一束將枯草  
惹得風來燒兩頭

後秦

亂世生才在得人  
姚家父子策通神  
不惟應運多豪傑  
且八袞裳也愛秦

天賜軍營三尺雨愁生夢寐一矛災賦成德獵詩豐草  
京兆當年祇費才

南燕

黎陽一夜北風寒八井三刀澤未闌多謝潘聰能畫策  
遂令遺塚學曹瞞

刀環差喜唱涼州那得公孫號五樓覺自孝生兵起覺  
樂工無語滿宮愁

夏

曠野京觀赫連臺統萬城邊萬姓災一紙報書詢太尉

潼關四扇爲誰開

苛藍山上涕千行數百狐鳴大不臧回首可憐民力盡  
碑文猶自擬隋唐

前涼

世亂不虧方鎮節趙佐而後祇錢鏐誰知大馬橫行日  
卽是英雄註易秋

孤雛尾翅北來鴻城向姑臧築臥龍算謂墻茨詩可諷  
滿山楊樹已生松

蜀

一戰官桑悔已遲  
郛城雖捷尚支持  
非仙非佛非經濟  
天地長生范太師

斑蛇雌虎兩宮人  
草木冬華雨雪春  
解識淫風開始祖  
泥船青纜繫鹽神

後涼

巨霸文生突印間  
功成萬里凱歌還  
龜茲法曲蒲萄酒  
八百駝送入關

桀龍豈得任遨遊  
小鼎公然作瑞收  
劫轉圍棋僧說法  
胡奴將要斫人頭

西秦

可汗託譯統干那殺馬當塗祭大鼉獵罷五谿梟集手  
攜兒萬鼠渡洮河

那得生擒吐谷渾偏教鎖鑰誤宮門何年金彈傷人面  
偕算慈烏解報恩

南涼

纔聞五郡屬烏孤便築千門廣樂都燄惑無光兵壓境  
且收豪望作良圖

景保天文有數奇雲瞿造化亦堪悲七千人自西征後

賸有陰家利鹿隨

西涼

燉煌太守久無家都督涼州志已賒況有后宮通變達  
三年不語勝桃花

怪底騶生白鼻駒夢魂終不到伊吾汜稱何必陳災異  
已報風吹桐樹枯

北涼

謾把儒書詆聖經玉關草已十年青房中法曲西方樂  
何必親生婦女聽

水草頻年有變遷  
朋淫姊妹儼如仙  
白衣老叟還多事  
卅載何妨祇七年

北燕

長樂無端產霸才  
天門也自應時開  
植桑旣解培根本  
使者如何不放回

一封矯詔宋夫人  
兄弟何冤盡殺身  
山上石輪輪又轉  
太興春換太平春

擬曹唐小游仙八首

東澥曾騎赤鯉魚  
茫茫人世感居諸  
祇因悞僭罡風力

謫向塵寰註素書

少小癡憨設酒罇  
年年乞巧琴天孫  
誰知繡出衣無縫  
還要深宮學閉門

醉時無語醒時狂  
天上人間事渺茫  
夢入上清宮裏去  
鳳凰毛羽白如霜

窈窕丰姿絕世顏  
名花愁損玉欄干  
五銖衣薄渾如紙  
可耐瓊樓玉宇寒

碧天如洗暮雲開  
惆悵當年馭鶴才  
俗問杜蘭香去後  
落花誰更埽蓬萊



洞口繁英春復春打魚人住武陵津桃花輕薄由來慣  
一著東風便笑人

風裳霧帔飯胡麻寶髻斜簪巨勝花解道忘言成獨笑  
乾坤無處不丹砂

五雲深處響雲璈澥上紛紛駕六鰲福地洞天三十六  
一齊爭唱鬱輪袍

畫竹贈劉二瓢

七尺橫鋪蜀國綃鳳毛雙寫勢干霄擬將它日憑君用  
一挂詩瓢一酒瓢

七夕回文

虛窗響處觸簾鉤  
夜靜人來拜女牛  
初上月飄香縷縷  
疎煙晚破碧雲秋

春草

十里春情盡白描  
羞將脂粉媚裙腰  
無端樓閣斜陽裏  
豈獨傷心在六朝

口占二十八字寄王二波眞州姚石甫虔州湯  
雨生越州

千里封書寄故知  
中秋期與上元期  
一年惟此兩佳節

是我晚年生子時

題蘭姬畫冊十首

嫩蕊含苞葉漸長  
筆鋒觸處紙生香  
閨中兒女知多少  
誰替沉湘作主張

花花葉葉兩相當  
氣自溫和不韻自長  
怪底不同凡草伍  
神仙中有杜蘭香

九節靈山頂上芝  
簪簪個個助清思  
畫成擬向黃荃問  
寫此何如寫折枝

此花原是女兒花  
曉傍妝臺插鬢斜  
我欲更添君子竹

江南煙雨好宜家

灑窗竹葉響蕭蕭人隔紗窗思寂寥欲寫千霄愁  
扼腕綠章恐又彈芭蕉

數拳怪石數鼓蘭幾度窗前仔細看  
灋北湘南多少恨一齊收拾入豪端

有花無葉寄冰壺曾見元人繪此圖  
想是素心太高潔不教根本帶泥塗

絕無人處水雲昏片片漂來楚客魂  
說與世人渾不解瀟湘水是武陵源

一蒂雙花水墨幽寫生何若寫風流休言草木無知覺  
除卻蓮花也並頭

連朝風雨滿江干耐冷圖成竹數竿爲有開河驢背客  
梅花香裏慰平安

白溝河弔文丞相

萬頃飛沙擁白溝當年丞相此淹留須知隔岸蒹葭外  
卽是燕雲十六州

天津道中

津門南望思依依草綠天涯客未歸七卜二沾春色裏

落花時傍馬頭飛

滄州弔張傳山

憶昔逢君舊酒樓  
殷勤爲我語滄州  
如何今夜滄州月  
不向樽前照白頭

命蘭貴兩姬作畫

寂寂孤懷澹澹春  
聊憑水墨寫花神  
要知不是無顏色  
怕買胭脂媚世人

墨筆花卉

淼淼江天客思賒  
青衫紅袖兩無涯  
春來眞個魚鰕賤  
敢向東風怨落花

魚鰕

困人天氣日遲遲  
翦取生綃寫折枝  
寫到會心剛好處  
曲欄杆畔立多時  
折枝花卉

聞說當年妬婦津  
笑譚羅襪便生瞋  
含豪試問癡兒女  
可許當窗寫洛神  
洛神圖

是金是玉總名簪  
筆底薰風蕊尚含  
花到將開未開好  
嫩人佩後最宜男  
金簪玉簪

憶昔江天擘蟹螯  
笑餐蛤蚌飲香醪  
年來豪氣消除盡  
腹有霜華點鬢毛  
蟹蛤蚌

開門種得滿園黃  
兒女妻孥鎮日嘗  
算怪貧居偏有癖

菜羹滋味本來香

菜

紛紛木葉下庭柯未授衣裳喚奈何聽到蟲聲秋唧唧  
天涯遊子淚痕多

草蟲

老圃羣花手自栽別花三載負花開昨宵報道花仍好  
檢點琴書歸去來

五色花卉

蘆捲秋霜夕照微天涯空羨稻梁肥卽今解寓昇平久  
何事衡陽不可飛

蘆雁

當春鮮笋最肥甘芋煮秋風憶懶殘夏日枇杷冬日橘  
四時佳味異鄉難

筍芋枇杷橘



春草堂集卷之六

蠟炬光中又一年盤推梨棗祭詩篇掀髯一笑持杯酒

何用黃金鑄閬仙

祭詩圖